

DE AURO POTABI-
LI THEOPHRASTI
Paracelsi.

Recipe, Einen Alten Bingerischen
Wein / der nit abgestochen ist / sondern noch auff
seinem läger ligt / vn̄ schön lauter ist / je älter je bes-
ser / vnd zeuch seine Spiritum, davon / am ersten
so geht ein wenig Phlegma vnd erzeigt sich mit
äderlein / vnn̄d wenn die rechten Spiritus gehen
wollen / so sicht man kein äderlein / vnd wenn es
widerumb begint mit äderlein zu gehen / vnd zu
schwizen / so höre auff / den Spiritum distillir wi-
derumb / vnn̄d laß ein wenig dahinden / das ist
nun Phlegma / daß thue vngefährlich 6. oder 7.
mahl / laß allezeit ein wenig dahinden biß die Spi-
ritus von aller seiner Phlegma gescheiden sein.

PROBA auff die SPIRITUS.

Recipe, Ein zartes leines tüchlein / neß
es ein jeden Spiritum, zünd es an / vnn̄d wenn
dß tüchlein gar verbrēdt / so ist der Spiritus vini,
gar gerecht / weitter so du ein troypffen baumöl
darein fallen läßt / so er von stundan zu boden
fällt / vnd bleibet am boden ligen / wie fast mans
vmbschwencft / so hastu den Spiritum vini recht
vnd wol distillirt. Darnach so nim̄ die abbe-
haltene Phlegma distillir sie fein langsam / vom